



Duduk di rumah

Amalkan jarak sosial

MEI 1-15, 2020



PENANG
2030

PERCUMA

BULETIN MUTIARA



www.buletinmutiara.com



buletinmutiara | ChowKonYeow



chowkonyeow



@ChowKonYeow

Pelaburan 2019

FDI tertinggi dalam negara dan sejarah negeri

Oleh : **AINUL WARDAH SOHILLI**

GEORGE TOWN – Pulau Pinang merekodkan pelaburan langsung asing (FDI) paling tinggi dalam negara bagi sektor pembuatan iaitu RM15 bilion pada 2019, sekaligus mengekalkan reputasi sebagai salah satu daripada destinasi pelaburan utama negara.

Ketua Menteri, Y.A.B. Tuan Chow Kon Yeow berkata, angka tersebut adalah berdasarkan laporan pelaburan Lembaga Pembangunan Pelaburan Malaysia (MIDA) bagi tahun 2019.

“Jumlah keseluruhan pelaburan (domestik dan FDI) yang diluluskan dalam sektor pembuatan adalah RM16.9 bilion membabitkan 166 projek diluluskan.

“(Dan) jumlah tersebut (RM16.9 bilion) merupakan pencapaian tertinggi dalam sejarah negeri kita setakat ini.

“Hal ini, membuktikan bahawa pelabur-pelabur asing masih mempunyai keyakinan yang tinggi terhadap ekosistem pelaburan yang ditawarkan oleh Pulau Pinang.

“(Meskipun) Pulau Pinang tidak memiliki sumber asli, tetapi kita mempunyai sumber kemahiran serta bakat yang sering dicemburi, menjadi daya penarik kepada para pelabur,” ujarnya pada siaran langsung yang disiarkan melalui Facebook beliau @ChowKonYeow di sini 22 April lalu.

Menurut Kon Yeow, sektor perkhidmatan menjadi penyumbang terbesar Keluaran Dalam Negeri Kasar (KDNK) Pulau Pinang, iaitu kira-kira 49 peratus, diikuti sektor pembuatan 46 peratus.

“Sebahagian perbelanjaan dalam sektor ini adalah daripada industri pelancongan yang mana ia termasuk

perbelanjaan untuk makanan jalanan (*street food*) negeri kita yang terkenal di seluruh dunia; rekreasi; seni dan kebudayaan; pelancongan perubatan; sektor MICE (Mesyuarat, Insentif, Persidangan dan Pameran); perhotelan; inap desa dan sebagainya.

“Malah, sektor perkhidmatan di Pulau Pinang juga menyediakan pekerjaan kepada kira-kira 300,000 pekerja, separuh daripadanya terlibat dalam sektor pelancongan,” umumnya.

Mengulas lanjut, Kon Yeow memberitahu bahawa berdasarkan laporan penilaian krisis oleh badan pemikir Kerajaan Negeri, *Penang Institute*, sebanyak 99 peratus perniagaan dalam sektor perkhidmatan di Pulau Pinang berada dalam kategori Perusahaan Kecil dan Sederhana (SME).

“(Kategori ini) membabitkan empat sektor utama iaitu pertanian, pembinaan, pembuatan serta perkhidmatan yang mana sektor perkhidmatan merupakan yang paling terkesan akibat krisis COVID-19.

“(Malah), berdasarkan analisis itu juga, 74.9 peratus SME dalam subsektor seni, hiburan serta rekreasi merupakan perusahaan mikro dan risiko ekonomi terhadap perusahaan ini amat tinggi sekali.

“(Oleh itu), Kerajaan Negeri telah membuat keputusan menubuhkan ‘Pasukan Kerja Next Normal Pelancongan Pulau Pinang’ bagi memastikan kelangsungan sektor ini.

“Saya sendiri akan mempengaruhi pasukan kerja ini manakala Exco Pelancongan, Seni, Budaya dan Warisan Negeri Pulau Pinang, Yeoh Soon Hin sebagai Timbalan Pengurus dengan *Penang*

Global Tourism (PGT) sebagai sekretariat.

“(Dan) Kerajaan Negeri akan terus memastikan ekonomi Pulau Pinang terus berdaya tahan walaupun berdepan situasi baru (luar jangka) akibat wabak pandemik COVID-19 ini,” jelasnya.

Dalam pada itu, Kon Yeow turut melaporkan situasi semasa COVID-19 di Pulau Pinang.

“Saya bersyukur kerana sudah lebih seminggu (sehingga 22 April 2020) Pulau Pinang mencatatkan sifar kes (0 kes) COVID-19 dan ia bukanlah pencapaian yang mudah.

“Di sebalik (pencapaian) angka ini, petugas barisan hadapan berperah keringat memastikan pesakit dikesan, disaring, dirawat dan dijaga sebaik-baiknya.

“Di sebalik angka ini, anggota polis, tentera, pertahanan awam, RELA (Jabatan Sukarelawan Malaysia), Imigresen dan pihak berkuasa tempatan (PBT) bermandi peluh bagi memastikan kita semua mematuhi arahan Perintah Kawalan Pergerakan (PKP).

“Begini juga pekerja pembersihan yang memastikan persekitaran kita bersih dan selamat tanpa perlu bimbang tentang perebakan wabak yang disebabkan oleh persekitaran yang kotor,” katanya yang turut menzahirkan penghargaan kepada

Pulau Pinang mencatatkan pelaburan langsung asing (FDI) bagi sektor pembuatan sebanyak RM15 bilion pada 2019, tertinggi dalam negara dan sejarah negeri.

Jumlah pelaburan langsung asing (FDI) dalam sektor pembuatan bagi setiap negeri (2019)

Pulau Pinang	RM 15 bilion
Selangor	RM 10.4 bilion
Kedah	RM 8.086 bilion
Johor	RM 6.538 bilion
Sabah	RM 4.853 bilion
Pahang	RM 3.938 bilion
Sarawak	RM 1.745 bilion
Perak	RM 1.624 bilion
Negeri Sembilan	RM 1.306 bilion
Melaka	RM 269.9 juta
Perlis	RM 53.3 juta
Terengganu	RM 50 juta
Kelantan	RM 6.4 juta
W.P. Kuala Lumpur	RM 4.7 juta

Sumber : MIDA.

wakil-wakil rakyat, pemimpin di peringkat Majlis Pengurusan Komuniti Kampung (MPKK) serta badan-badan bukan kerajaan (NGO)

juga bertungkus lumus memastikan kebijakan dan kesejahteraan semua sepanjang tempoh krisis kesihatan ini.

Mesyuarat Pertama Persidangan Penggal Ketiga Dewan Undangan Negeri Pulau Pinang Keempat Belas

TYT zahir penghargaan kepada pimpinan negeri, barisan hadapan tangani COVID-19

Gambar : AHMAD ADIL MUHAMAD & ADLEENA RAHAYU AHMAD RADZI

GEORGE TOWN - Yang Dipertua Negeri (TYT), Tun Dr. Abdul Rahman Abbas berkenan menyempurnakan Istiadat Pembukaan Mesyuarat Pertama Persidangan Penggal Ketiga Dewan Undangan Negeri Pulau Pinang Keempat Belas di sini 17 April lalu.

Ketibaan Abdul Rahman di Dewan Sri Pinang disambut oleh Yang Dipertua Dewan Undangan Negeri Pulau Pinang, Dato' Law Choo Kiang dan Ketua Menteri, Y.A.B. Tuan Chow Kon Yeow.

Turut sama, Setiausaha Kerajaan Negeri, Dato' Abdul Razak Jaafar serta barisan tertinggi kepimpinan negeri.

Pembukaan persidangan bagi penggal ini adalah agak menarik dan bersejarah apabila berlangsung serba ringkas tanpa istiadat kawalan kehormatan seperti lazimnya.

Malah, Abdul Rahman tidak berucap panjang kecuali melafazkan ucapan perasmian semata-mata memandangkan negara kini masih dalam tempoh Perintah Kawalan Pergerakan (PKP).

Walau bagaimanapun, teks ucapan penuh diedarkan kepada semua Ahli-Ahli Dewan Undangan Negeri Pulau Pinang.

Dalam teks ucapan penuh, Abdul Rahman menzahirkan ucapan tahniah dan syabas atas kepimpinan Ketua Menteri dalam mengurus

tadbir Negeri Pulau Pinang dengan cemerlang tatkala negeri dan negara tercinta dilanda wabak COVID-19.

"Saya percaya Yang Amat Berhormat Ketua Menteri dan barisan Ahli Majlis Mesyuarat Kerajaan Negeri serta seluruh jentera pentadbiran kerajaan telah melaksanakan tanggungjawab dan memberikan komitmen yang terbaik dalam memastikan perkhidmatan Kerajaan Negeri khususnya dapat berfungsi tanpa sebarang masalah sepanjang tempoh Perintah Kawalan Pergerakan (PKP) berkuat kuasa.

"Saya juga mengambil kesempatan merakamkan ucapan terima kasih kepada semua wira barisan hadapan terutamanya Jabatan Kesihatan Negeri Pulau Pinang (JKNPP), Polis Diraja Malaysia (PDRM), Jabatan Imigresen Malaysia, Angkatan Tentera Malaysia (ATM), Angkatan Pertahanan Awam Malaysia (APM), RELA (Jabatan Sukarelawan Malaysia), pihak berkuasa tempatan (PBT) dan semua jabatan serta agensi kerajaan yang terlibat dalam misi pencegahan wabak COVID-19.

"Hanya Tuhan yang dapat membalaunya (komitmen yang tinggi oleh barisan hadapan). Sesungguhnya anda semua ialah wira kami.

"Serentak itu, semua rakyat Pulau Pinang adalah diharapkan mengikut arahan Perintah Kawalan Pergerakan (PKP) supaya duduk di rumah," ujarnya yang turut mendoakan kesejahteraan serta

"Lazimnya, penyumbang utama Keluaran Dalam Negeri Kasar (KDNK) Pulau Pinang adalah sektor



DR. Abdul Rahman Abbas (tengah) ketika menyempurnakan Istiadat Pembukaan Mesyuarat Pertama Persidangan Penggal Ketiga Dewan Undangan Negeri Pulau Pinang Keempat Belas di sini baru-baru ini.

kemakmuran rakyat di negeri ini.

Menyingkap prestasi pelaburan sepanjang tahun 2019, Abdul Rahman memaklumkan bahawa pelaburan Negeri Pulau Pinang adalah amat memberangsangkan.

Walau bagaimanapun, perhatian serius harus diberikan kini apabila penularan pandemik COVID-19 terhadap situasi pelaburan dan rantaian pembekalan global memberi kesan secara langsung dan tidak langsung kepada kebanyakan syarikat.

"Kerajaan Negeri perlu terus meningkatkan usaha untuk memperkasa dan menggalakkan pelaburan tempatan serta luar negara sama ada dalam bentuk pelaburan baru atau pelaburan semula bagi merancakkan semula pertumbuhan ekonomi negeri.

"Lazimnya, penyumbang utama Keluaran Dalam Negeri Kasar (KDNK) Pulau Pinang adalah sektor

saya mengalui-alukan usaha Kerajaan Negeri yang mengambil inisiatif untuk membina Pusat Transit Gelandangan bagi membendung dan menangani isu ini.

"Terima kasih kepada Majlis Bandaraya Pulau Pinang (MBPP) kerana menyediakan bangunan miliknya untuk projek ini di Jalan C.Y. Choy," zahir beliau.

Abdul Rahman juga memuji Kerajaan Negeri yang menjalinkan kerjasama dengan Kerajaan Persekutuan dalam pembinaan masjid baharu di negeri ini.

Antara masjid baharu disiapkan adalah Masjid Bukhary, Masjid Jamek Kampung Bonggol dan Masjid Jamek Kampung Rawa.

"Saya berharap agar usaha menbendung ancaman akidah dan ajaran yang bertentangan dengan agama Islam sentiasa diberi perhatian.

"Tugas dan amanah dalam melaksanakan 'amar makruf nahi munkar' hendaklah digalas dengan sikap yang positif, yakin, tegas dan berhikmah agar selari dengan konsep melahirkan 'khaira ummah' (kelompok masyarakat yang baik) di Pulau Pinang," katanya.

Abdul Rahman dalam pada itu mengharapkan agar Ahli-Ahli Dewan Undangan Negeri dan semua warga kerja perkhidmatan awam, swasta dan rakyat Pulau Pinang bersama-sama menggembangkan tenaga dan daya fikir menyumbang ke arah perancangan pembangunan negeri yang lebih baik dan inklusif.

pembuatan dan perkhidmatan.

"Sektor pertanian juga memainkan peranan yang penting dalam pertumbuhan ekonomi negeri kita.

"(Oleh itu), Kerajaan Negeri perlu membantu dan memberi dorongan kepada para peladang, peternak serta nelayan terutama dalam menghasilkan produk tertumpu (*niche*).

"Penggunaan teknologi moden juga perlu dipertingkatkan dan menjadi amalan agar produktiviti serta pasaran hasil tani, ternakan dan perikanan terus dipertingkatkan," katanya.

Dalam teks ucapan, Abdul Rahman turut menyentuh isu gelandangan yang merupakan isu rumit untuk diselesaikan oleh mana-mana kerajaan baik di peringkat Kerajaan Persekutuan maupun Kerajaan Negeri.

"Menyedari perkara tersebut,

COVID-19: Ketua Pembangkang puji usahasama dan inisiatif Kerajaan Negeri

GEORGE TOWN - Ketua Pembangkang Dewan Undangan Negeri Pulau Pinang, Datuk Muhammad Yusoff Mohd. Noor memuji usaha Kerajaan Negeri Pulau Pinang dalam membantu rakyat terkesan akibat pelaksanaan Perintah Kawalan Pergerakan (PKP) di negeri ini.

Beliau lazimnya sentiasa mengikuti perkembangan berhubung wabak COVID-19 dan pelaksanaan arahan PKP sejak 18 Mac lalu.

Malah, Muhammad Yusoff turut mengucapkan sekalung penghargaan kepada Kerajaan Negeri yang turut sama-sama Kerajaan Persekutuan berusaha memastikan 'musuh utama negara' hari ini (COVID-19) berjaya ditumpaskan.

"Saya sedar bahawa di saat ini kita perlu bersama-sama atas dasar keprihatinan terhadap nasib rakyat, kita hentikan seketika soal politik kerana yang paling penting adalah berganding bahu mengekang wabak COVID-19.

"Saya mohon (semua pihak) agar bersabar dan sama-samalah kita

hadapi keadaan ini dengan langkah-langkah sejawarnya.

"Tidak semua rakyat dapat menikmati kehidupan sempurna, masih ada dalam kalangan mereka yang hidupnya perlu dibantu," katanya sambil mengharapkan inisiatif yang diperkenalkan oleh Kerajaan Persekutuan dan Kerajaan Negeri dapat membantu kesejahteraan rakyat serta merangsang ekonomi lokal di negeri ini.

Beliau berkata demikian pada sesi perbahasan Mesyuarat Pertama Penggal Ketiga Dewan Undangan Negeri Pulau Pinang Keempat Belas di Dewan Sri Pinang dekat sini 17 April lalu.

Dalam pada itu, Muhammad Yusoff turut mengambil peluang persidangan berkaitan mengucapkan jutaan terima kasih serta syabas atas keprihatinan Kerajaan Negeri Pulau Pinang khususnya Y.A.B. Tuan Chow Kon Yeow selaku Ketua Menteri serta seluruh kepimpinan kerajaan yang tampil dengan Pakej Bantuan

Rakyat Pulau Pinang.

"Peruntukan khas (Dana Bantuan Kecemasan) yang disalurkan kepada Ahli-Ahli Dewan Undangan Negeri juga amat diallalukan, dan saya sendiri termasuk ADUN Permatang Berangan dan Penaga sudahpun menggunakan dana tersebut bagi penyediaan keperluan barangian harian.

"Terima kasih juga kepada Kerajaan Negeri Pulau Pinang yang turut mengajihkan peralatan seperti topeng muka, sarung tangan, pensanitasi tangan dan termometer untuk kegunaan pusat khidmat," ujarnya.

Dalam sesi perbahasan tersebut, Muhammad Yusoff turut melontarkan beberapa cadangan yang melibatkan kepentingan rakyat Pulau Pinang.

"Antaranya, bantuan kepada peniaga kecil dan penjaja yang tidak berlesen termasuk pengusaha makanan kecil-kecilan di kampung; bantuan kepada pengusaha perkhidmatan lori membawa barang dan pekerja kontrak pembersihan sekolah atau bangunan

pejabat serta kilang yang terputus pendapatan kerana tidak bekerja.

"Selain itu, bantuan kepada pengusaha sektor pertanian termasuk situasi bekalan air yang dihadapi oleh pesawat."

"Saya juga ingin berterima kasih kepada Ketua Menteri kerana

telah bersetuju untuk melakukan pemberian awan bagi menangani isu kekurangan air di negeri ini,"

ucapnya yang turut menzahirkan penghargaan kepada semua petugas barisan hadapan termasuk sukarelawan yang menyumbang bakti sepanjang tempoh sukar ini.

Oleh: AZMI HUSSIN



Mesyuarat Pertama Persidangan Penggal Ketiga Dewan Undangan Negeri Pulau Pinang Keempat Belas

Pasca COVID-19: Strategi New Normal Pulau Pinang, komitmen pulihkan semula negeri

Oleh : **AINUL WARDAH SOHILLI**

GEORGE TOWN - Kerajaan Negeri Pulau Pinang sekali lagi mengulangi komitmen dalam memastikan keselamatan dan kesihatan rakyat di negeri ini terus terjamin.

Hal ini termasuk usaha membantu sektor ekonomi agar kembali berkembang pesat pasca wabak pandemik COVID-19.

Ketua Menteri, Y.A.B. Tuan Chow Kon Yeow pada ucapannya sempena persidangan Mesyuarat Pertama Penggal Ketiga Dewan Undangan Negeri (DUN) Pulau Pinang Keempat Belas berkata bahawa wabak COVID-19 telah menyebabkan seluruh dunia terhenti sekutik secara serentak buat pertama kalinya sejak Perang Dunia Kedua.

"Pengulus ekonomi termasuk *International Monetary Fund* (IMF) bersetuju bahawa krisis ekonomi yang bakal dihadapi pasca COVID-19 adalah yang paling buruk sejak Zaman Kemelesetan 1929.

"Tiada satu negara di dunia ini bersedia menghadapi penularan wabak COVID-19 termasuk kuasa-kuasa besar ekonomi dunia seperti China, Amerika Syarikat dan negara-negara Eropah," ujarnya yang memetik jumlah kes COVID-19 seluruh dunia.

Sehingga 16 April 2020, sebanyak 2,029,930 kes dilaporkan seluruh dunia dengan jumlah kematian mencecah 136,320. Manakala di Malaysia, 5,182 kes dilaporkan dengan 84 kematian.

"Buat masa ini, Kerajaan Negeri tidak perlu mengisyiharkan Perintah Kawalan Pergerakan Diperketatkan (PKPD) di mana-mana lokaliti dekat Pulau Pinang.

"(Hal ini demikian kerana), mengikut Jabatan Kesihatan Negeri Pulau Pinang, situasi COVID-19 adalah terkawal dan dipantau secara rapi melalui kerjasama erat antara semua agensi (mengikut prosedur operasi standard yang telah ditetapkan)," katanya yang turut menzahirkan penghargaan kepada semua barisan hadapan yang bertungkus-lumus melaksanakan tanggungjawab masing-masing memerangi penularan wabak COVID-19 di negeri ini.

Kon Yeow yang juga Ahli Dewan Undangan Negeri (ADUN) Padang Kota percaya bahawa di sebalik yang berlaku kini, ada hikmahnya.

"Jabatan dan agensi kerajaan, baik di peringkat Persekutuan maupun Negeri tidak lagi bekerja secara berasingan ataupun insilo, sebaliknya semua saling melengkapi antara satu sama lain.

"Masyarakat juga memainkan peranan penting, tanpa sokongan mereka, sudah pasti tiada satu kerajaan pun di dunia mampu menangani krisis COVID-19 ini.

"Kita lihat bagaimana badan bukan kerajaan (NGO) dan syarikat swasta yang turut menghulurkan bantuan kepada kelompok yang terkesan akibat Perintah Kawalan Pergerakan. Syabas saya ucapan kepada semua," zahirnya.

Selain Pakej Bantuan Rakyat Pulau Pinang yang berjumlah RM75 juta yang diumumkan pada 25 Mac lalu bagi meringankan beban rakyat yang terkesan, Kerajaan Negeri juga giat merangka 'Strategi New Normal Pulau Pinang' bagi memulihkan keadaan seperti sedia kala.



AHLI-ahli Dewan Undangan Negeri merakam gambar kenangan sejurus penangguhan persidangan Mesyuarat Pertama Penggal Ketiga DUN Pulau Pinang Keempat Belas yang diterima sebulat suara.

Dalam usaha ini, kata Kon Yeow, Kerajaan Negeri mengambil pendekatan yang seimbang dengan memfokuskan isu kesihatan awam serta kesejahteraan ekonomi.

"Strategi New Normal Pulau Pinang" ini mempunyai tiga misi utama iaitu mengukuhkan ekosistem di Pulau Pinang; menyelaraskan ekosistem tersebut agar sesuai dengan perubahan abad ke-21 dan membina ketahanan menghadapi sebarang kemungkinan krisis pada masa hadapan.

"Strategi ini akan melihat kepada pembaharuan dalam aspek institusi, ekonomi serta sosial di Pulau Pinang.

"Malah, kita sudah boleh melihat contoh anjakan tersebut dalam operasi Kerajaan Negeri minggu ini yang mana kedua-dua pihak berkuasa tempatan membantu para peniaga kecil dan penjaja memasuki e-dagang menerusi kempen dalam talian.

"Kerajaan Negeri juga mengarahkan

Perbadanan Pembangunan Pulau Pinang (PDC) dan *InvestPenang* untuk melibatkan industri berdasarkan kekuatan semasa Pulau sebagai hab pembuatan bekalan utama global, sebagai pusat makanan serta hasil tani dan dalam industri elektronik serta elektrikal.

"Semua ini akan menjadi usaha Kerajaan Negeri Pulau Pinang pasca COVID-19 nanti, justeru, saya berharap Kerajaan Persekutuan dapat sama berkongsi visi ini dan melihat nilai yang dimiliki oleh Pulau Pinang untuk membantu negara.

"Malah, Kerajaan Negeri juga berikrar melaksanakan pembaharuan ekonomi melalui galakan penggunaan platform digital dalam pelaksanaan pembangunan, menarik pelaburan serta memperbanyakkan peluang pekerjaan untuk rakyat," jelasnya.

Usai ucapan, Kon Yeow dan seluruh DUN Pulau Pinang bertafakur selama seminit bagi

memperingati pemergian mangsa-mangsa COVID-19 seluruh dunia.

Usul bagi penangguhan persidangan Mesyuarat Pertama Penggal Ketiga DUN Pulau Pinang Keempat Belas diterima sebulat suara oleh semua Ahli Dewan dan ditangguhkan pada 11:25 pagi, 17 April 2020.

DUN akan bersidang semula pada suatu tarikh yang akan ditetapkan nanti.

Memasuki hari ke-31 pelaksanaan Perintah Kawalan Pergerakan, Kerajaan Negeri Pulau Pinang memutuskan untuk menuruti Perlembagaan Negeri Pulau Pinang, supaya bersidang dalam tempoh enam bulan dari tarikh persidangan sebelumnya yang akan tamat pada 7 Mei 2020.

Menariknya persidangan kali ini serba ringkas, tiada kawalan kehormatan seperti kelazimannya. Malah, kesemua 59 soalan lisan akan dijawab secara bertulis.



SELURUH DUN Pulau Pinang bertafakur selama seminit bagi memperingati pemergian mangsa-mangsa COVID-19 seluruh dunia.



YANG Dipertua DUN, Dato' Law Choo Kiang (tengah) dan barisan kepimpinan Kerajaan Negeri ketika menunggu ketibaan TYT.



KETUA Menteri bersama-sama Timbalan Ketua Menteri II, Prof. Dr. P. Ramasamy (tengah) dan Ketua Pembangkang DUN, Datuk Muhammad Yusoff Mohd. Noor (kiri sekali) mengadakan perbincangan sebelum berlangsungnya persidangan.

Pasca COVID-19, tumpu isu pemulihan

Oleh : NORSHAHIDA YUSOFF
Gambar : WATAWA NATAF ZULKIFLI

BATU UBAN - Ahli Dewan Undangan Negeri (ADUN) Batu Uban, A. Kumaresan menyifatkan bahawa peruntukan RM30,000 yang disalurkan Kerajaan Negeri kepada setiap ADUN bagi membantu golongan terjejas akibat impak wabak pandemik COVID-19 di kawasan masing-masing adalah tepat pada masanya.

"Terima kasih kepada Y.A.B. Ketua Menteri atas keprihatinan dan peruntukan tersebut yang sampai tepat masanya untuk kami (ADUN) menghulurkan bantuan kepada rakyat terjejas."

"Setakat ini, sumbangan membabitkan seramai 380 penerima JKM (Jabatan Kebajikan Masyarakat) serta AES (Agenda Ekonomi Saksama), dan 400 keluarga terkesan di Kawasan Dewan Undangan Negeri (KADUN) Batu Uban telah selesai diagihkan."

"Kita menjangkakan bakal mengagihkan lagi 500 sumbangan bantuan mengikut senarai nama yang diberikan enam Majlis Pengurusan Komuniti Kampung (MPKK) di sini," ujarnya pada majlis penyampaian sumbangan keperluan makanan

kepada 45 keluarga terpilih di Dafe Court dan Flat Kos Rendah Bukit Jambul dekat sini 19 April lalu.

Hadir menyempurnakan majlis berkaitan ialah Ketua Menteri, Y.A.B. Tuan Chow Kon Yeow.

Kerajaan Negeri melalui Pakej Bantuan Rakyat Pulau Pinang baru-baru ini mengumumkan peruntukan khas dana RM30,000 kepada setiap ADUN sebagai usaha membantu rakyat terjejas akibat penularan wabak COVID-19 sehingga menyebabkan pelaksanaan Perintah Kawalan Pergerakan (PKP) bermula 18 Mac lalu.

Dalam pada itu, Kon Yeow berkata bahawa Kerajaan Negeri Pulau Pinang akan terus menggembungkan usaha dan memberi tumpuan bagi membangunkan semula ekonomi negeri ke peringkat seterusnya.

Menurut beliau, pembangunan masa depan Pulau Pinang adalah tertakluk kepada sejauh mana ekonomi negeri dapat dipulihkan semula pasca wabak COVID-19 berakhir.

"Kebanyakan masyarakat terkesan akibat wabak ini yang berlanjutan, sama ada daripada segi pendapatan dan juga pekerjaan, masa depan pun bergantung kepada sejauh mana ekonomi kita akan



A. Kumaresan (dua dari kiri) menyampaikan sumbangan barangas pada majlis penyerahan yang diadakan pada 18 April lalu.

pulih.

"Justeru, di peringkat Kerajaan Negeri, sememangnya kita (Kerajaan Negeri) memberi penekanan yang seimbang antara kesihatan awam dan (kesihatan) ekonomi.

"Fokus Kerajaan Negeri di peringkat seterusnya adalah memberikan tumpuan kepada isu-isu pemulihan," jelasnya yang juga ADUN Padang Kota merangkap Ahli Parlimen Tanjong.

COVID-19: Bertahan di zon hijau, lawan di zon merah

BUKIT TAMBUN - Ketua Menteri, Y.A.B. Tuan Chow Kon Yeow menegaskan bahawa kempen 'Penang Lawan COVID-19' masih belum menang sepenuhnya di seluruh negara, terutama di kelima-lima daerah di negeri ini.

Justeru, beliau berkata bahawa pihaknya akan terus mengambil posisi 'bertahan' di zon hijau dan terus 'melawan' di zon merah demi memutuskan semua rantaian perebakan wabak ketika pelaksanaan fasa tiga Perintah Kawalan Pergerakan (PKP) sehingga 28 April 2020.

"Jarak sosial masih menjadi strategi paling sesuai untuk memutuskan rantaian virus ini."

"Sehingga kini, Seberang Perai Selatan (SPS) merupakan daerah yang paling rendah daripada segi rekod kes iaitu 11 kes sejak mula (PKP pada 18 Mac 2020) lagi."

"Lebih satu minggu, daerah SPS tidak ada kes baru direkodkan, semua pesakit yang dirawat telah pulih wad sepenuhnya."

"Namun bagi Jabatan Kesihatan Negeri (JKN) strategi yang dilakukan oleh mereka adalah 'bertahan' di zon hijau dan 'serang' zon merah (lokaliti berisiko bagi penularan wabak)," jelasnya dalam sidang media selepas acara mengedarkan pelitup

muka kepada para penjaja kecil di Pasar Awam Bukit Tambun pada 18 April 2020 dekat sini.

Ahli Dewan Undangan Negeri (ADUN) Bukit Tambun, Goh Choon Aik; ADUN Sungai Bakap, Dr. Amar Pritpal Abdullah yang juga Timbalan Speaker Dewan Undangan Negeri (DUN) Pulau Pinang; Datuk Bandar bagi Majlis Bandaraya Seberang Perai (MBSP), Dato' Sr. Rozali Mohamud dan beberapa Ahli Majlis pihak berkuasa tempatan (PBT) berkenaan turut menyertai acara turun padang tersebut.

Turut serta, Pemangku Ketua Polis Daerah SPS, Deputi Supiridion Baayah Abdul Wahab; Ketua Polis Balai Simpang Empat dan Pengarah Suruhanjaya Bangunan (COB) MBSP, Sazila Muhamad.

Selepas itu, Kon Yeow bersama-sama pemimpin Kerajaan Negeri meneruskan acara mengedar pelitup muka serta pemantauan amalan PKP di Pasar Awam Taman Tasek Mutiara dalam Kawasan Dewan Undangan Negeri (KADUN) Sungai Bakap.

Dalam perkembangan berkaitan, beliau turut menyempurnakan acara serahan 300 paket bekalan keperluan asas kepada mereka yang tersenarai sebagai penerima bantuan Agenda Ekonomi Saksama (AES) serta bantuan Jabatan Kebajikan Masyarakat (JKM) negeri, peringkat KADUN Sungai Bakap.

Ketika berucap, Kon Yeow merakamkan penghargaan kepada penduduk daerah SPS kerana menunjukkan disiplin yang tinggi dalam mematuhi PKP, sehingga kini tiada lagi membabitkan daerah berkenaan.

"Bagi orang awam, saya rasa, tanggungjawab kita adalah saling bekerjasama dengan pihak berkuasa, (iaitu) mengamalkan jarak sosial serta pembersihan diri, kerap sanitasi atau cuci tangan."

"Kita (Pihak Berkuasa Negeri) tahu bahawa dalam tempoh (PKP) ini, semua seperti terkurung di dalam rumah pangsa masing-masing, itupun bukan suatu perkara yang senang, tetapi, kita minta semua bersabar."

"Kita (JKN) mahu satu dunia hijau, satu Malaysia hijau dan satu Pulau Pinang pun hijau," serunya dalam majlis yang berlangsung

di kawasan pangaspuri Taman Gunung Puteri, Sungai Bakap.

Serentak itu, Amar Pritpal dan Rozali turut menyampaikan ucapan ringkas dalam majlis yang dilangsungkan mengikut tatacara operasi standard (SOP) sebagaimana digariskan dalam PKP.

KETAHUI 3 KATEGORI MAKANAN SEBELUM MEMBELI



COVID-19: ARAHAN PERINTAH KAWALAN PERGERAKAN TIDAK PERLU PANIK

AMALKAN LANGKAH-LANGKAH BERIKUT

- 1 Simpan makanan pada tempat dan suhu yang betul. Lihat kaedah penyimpanan pada label jika ada.
- 2 Masak dengan sempurna bagi menghindari pencemaran dan jangkitan penyakit/karacunan.
- 3 Sentiasa pastikan tempat penyimpanan makanan tiada makhluk perosak (lalat, tikus, lipas, semut, cicak dan lain-lain).
- 4 Makan ikut keperluan dan elakkan pembaziran.



SR. Rozali Mohamud (kanan sekali) dan Dr. Amar Pritpal Abdullah (barisan depan, dua dari kanan) menyampaikan pelitup muka kepada salah seorang penerima pada majlis penyampaian di Taman Gunung Puteri dekat sini baru-baru ini.

Pasca COVID-19, semua pihak perlu tumpu pemulihan sosial dan ekonomi

Oleh : WATAWA NATAF ZULKIFLI

Gambar : ALVIE CHENG

BAGAN DALAM - Menerusi Paket Bantuan Rakyat Pulau Pinang berserta insentif tahunan Kerajaan Negeri, seramai 2,252 pemandu teksi di Pulau Pinang masing-masing menerima sumbangan sebanyak RM500 melibatkan peruntukan keseluruhan RM1.1 juta.

Jumlah sumbangan tersebut merupakan insentif separuh tahun kepada pemandu teksi sebagaimana tahun-tahun sebelum ini, manakala sebahagian lagi adalah bayaran *one-off* yang diumumkan menerusi Paket Bantuan Rakyat Pulau Pinang akibatnya wabak pandemik COVID-19.

Ketua Menteri, Y.A.B Tuan Chow Kon Yeow berkata bahawa bayaran kepada golongan berkaitan kini mencapai 90.9 peratus iaitu membabitkan 2,045 pemandu, baki yang masih belum terima adalah akoran dokumen yang tidak lengkap.

"Justeru, Kerajaan Negeri aturkan pendekatan pandu lalu kepada mereka yang tidak dapat kemukakan butir-butir bank bagi proses bayaran sumbangan berkaitan," ujarnya ketika menyampaikan bantuan secara pandu lalu kepada 72 pemandu teksi peringkat Seberang Perai di Dewan Haji Ahmad Badawi, Butterworth dekat sini pada 25 April lalu.

Hadir sama, Timbalan Setiausaha Kerajaan Negeri (Pembangunan), Datuk Azhar Arshad; Datuk Bandar bagi Majlis Bandaraya Seberang Perai (MBSP), Dato' Sr. Rozali Mohamud dan Setiausaha Bahagian bagi Bahagian Perancang Ekonomi Negeri (BPEN), M. Maheswari.

Mengulas lanjut, Kon Yeow menyatakan



KETUA MENTERI menyampaikan insentif kepada salah seorang pemandu teksi secara pandu lalu peringkat Seberang Perai di sini baru-baru ini.

bahawa bagi pemandu *e-hailing* yang menerima insentif *one-off* RM300, peratusan penerimaan sehingga kini adalah 97.25 peratus bersamaan 8,385 pemandu daripada jumlah keseluruhan senarai 8,571 pemandu yang juga disebabkan dokumen tidak lengkap.

Dalam pada itu, beliau yang juga Ahli Parlimen Tanjong menyatakan bahawa sudah sampai masanya Kerajaan Persekutuan dan semua pihak dalam negara ini memikirkan soal pemulihan sosial dan ekonomi selepas Perintah Kawalan Pergerakan (PKP) ditarik kelak.

"Tempoh PKP yang panjang mendaratkan kesan ekonomi kepada rakyat sebagaimana dihadapi sekarang.

"Rakyat perlu memikul cabaran daripada segi kewangan, dan kita (Kerajaan Negeri) sedia maklum bahawa rakyat perlu kerja, perlu pendapatan untuk menyara hidup serta membiasai persekolahan dan

sebagainya.

"Justeru, kita (Kerajaan Negeri) berharap dalam pelaksanaan PKP fasa keempat kelak, sebagaimana dinyatakan Perdana Menteri bahawa Kerajaan Persekutuan akan meneliti serta memberi kelonggaran kepada subsektor tertentu supaya mereka boleh jalankan aktiviti-aktiviti perniagaan semula, maka pekerja-pekerja juga boleh meneruskan semula pekerjaan.

"Sebagai kerajaan, kita perlu mendengar suara rakyat bahawa sekarang perniagaan tidak boleh beroperasi, maka mereka perlu pikul bayaran sewa, upah atau gaji pekerja-pekerja, jadi, pemantauan keadaan semasa adalah perlu diteruskan," ulasnya yang juga Ahli Dewan Undangan Negeri (ADUN) Padang Kota.

Serentak itu, bayaran insentif separuh tahun kepada 519 operator bas sekolah juga telah disempurnakan oleh pihak Kerajaan Negeri.

Santuni gelandangan, luah rasa syukur

GEORGE TOWN - Ketua Menteri, Y.A.B. Tuan Chow Kon Yeow meluangkan masa turun padang bagi menyantuni golongan gelandangan dan kutu rayau yang ditempatkan di pusat perlindungan sementara dekat Kompleks Masyarakat Penyayang.

Kehadiran beliau ternyata memberikan kejutan kepada golongan berkenaan yang rata-ratanya dilihat menjalani kehidupan harian lebih selesa dan terurus sejak ditempatkan di sana pada 28 Mac lalu sebagai salah satu langkah membendung penularan wabak COVID-19.

Kon Yeow ketika ditemui melahirkan rasa syukur melihat golongan berkaitan yang sebelum ini sering berkeliaran di sekitar Komtar, kini mempunyai tempat berlindung yang lebih selesa buat sementara waktu.

"Senang hati saya melihat mereka dijaga dengan baik, diberikan makan tiga kali sehari, pandai menjaga kebersihan diri dan perubahan tingkah laku yang ketara.

"Saya percaya dengan apa yang dilihat, mereka gembira berada di sini, tetapi ini hanyalah langkah sementara... diharap mereka akan mencari tempat lebih bersesuaian iaitu pulang ke rumah ataupun mencari pusat perlindungan tetap selepas ini."

"Terima kasih kepada beberapa jabatan berkaitan dan pihak badan bukan kerajaan

dan mengatasinya dalam masa yang lebih singkat," seru beliau.

Dalam pada itu, Boo Leong memberitahu bahawa rata-rata gelandangan yang ditempatkan di sini menunjukkan perubahan sikap yang positif sama ada daripada isu kebersihan serta sikap toleransi.

"Mereka boleh basuh baju sendiri, yang muda bantu yang lebih tua, boleh menguruskan dewan ini dengan menyapu, membuang sampah dan sebagainya, ini adalah perubahan tingkah laku positif," jelasnya.



KETUA MENTERI bersama-sama Phee Boon Poh (kanan sekali) menyantuni salah seorang gelandangan yang ditempatkan dekat Kompleks Masyarakat Penyayang di sini baru-baru ini.

COVID-19 tidak kenal warna kulit, Pulau Pinang umum bantuan makanan kepada pelarian

GEORGE TOWN - Ketua Menteri Y.A.B. Tuan Chow Kon Yeow mengumumkan kelulusan sejumlah peruntukan dana kepada Persatuan Komuniti Berdikari untuk tujuan membantu komuniti pelarian yang terjejas dek pelaksanaan Perintah Kawalan Pergerakan (PKP) di negeri ini.

"Kerajaan Negeri sedar bahawa virus COVID-19 tidak mengenal kaum, agama dan kewarganegaraan.

"Jika kita tidak memastikan keselamatan serta kesihatan komuniti migran di negeri kita, maka secara tidak langsung, kita tidak akan dapat mematahkan rantai perebakan virus ini.

"Dan, jika kita tidak dapat mematahkannya, maka akhirnya rakyat Pulau Pinang dan rakyat Malaysia juga yang akan terkesan," jelasnya dalam sesi siaran langsung Facebook di Komtar pada 13 April 2020.

Menurut Kon Yeow, sejak 12 April lalu, sebahagian daripada jumlah keseluruhan 20,000 pek bahan makanan membabitkan lima daerah telah mula diedarkan di Daerah Barat Daya kepada golongan sasar yang layak.

Mereka, menurut beliau, adalah penerima bantuan Jabatan Kebajikan Masyarakat (JKM); penerima bantuan program Agenda Ekonomi Saksama (AES); penduduk-penduduk Projek Perumahan Rakyat (PPR) atau rumah kos rendah; dan mana-mana individu atau keluarga yang telah dikenal pasti layak menerima bantuan oleh ADUN Kawasan.

"Terdapat lima lokasi pengumpulan dan pengagihan makanan berpusat yang disediakan oleh Kerajaan Negeri iaitu Mutiara Food Bank yang beroperasi di Kompleks Masyarakat Penyayang bagi Daerah Timur Laut; Dewan Kompleks Pasar Awam Balik Pulau bagi Daerah Barat Daya ; Pejabat Persatuan Bomba dan Sukarela Raja Uda bagi Daerah Seberang Perai Utara ; Dewan JKR Taman Bukit Kecil, Bukit Mertajam bagi Daerah Seberang Perai Tengah; dan Dewan MPKK Bukit Panchor, Nibong Tebal bagi Daerah Seberang Perai Selatan," ujarnya.

Tambah Kon Yeow, pentadbirannya akan terus memantau dalam sektor perusahaan kecil dan sederhana (PKS) sepanjang tempoh pelaksanaan Perintah Kawalan Pergerakan (PKP) demi memastikan majikan masih membayar gaji pekerja termasuk buruh migran.

"Setakat ini, maklum balas yang diterima pihak kerajaan ialah majikan masih membayar gaji pekerja migran mereka.

"Namun, kami juga menerima keluhan para majikan terutamanya usahawan SME bahawa pelanjutan PKP akan memberikan beban kewangan yang berat kepada mereka," ulasnya.

Dalam perkembangan berkaitan, Kon Yeow turut menjelaskan maklum balas yang diterima daripada Persekutuan Pekilang-Pekilang Malaysia (FMM) dan Persatuan Pemaju Hartanah & Hartanah Malaysia (REHDA) negeri mengenai aspek keselamatan dan kebajikan para pekerja, termasuk buruh asing.

"Pihak FMM turut memberikan maklum balas bahawa pekerja migran mereka diarahkan untuk mematuhi PKP secara tegas, melaksanakan langkah-langkah kesihatan awam seperti penjarakan sosial dan sekiranya mereka terlibat dengan operasi kilang perkhidmatan penting, maka peralatan seperti pelitup muka serta pensanitasi tangan juga akan disediakan untuk keperluan mereka.

"Sebagai jaminan keselamatan semua di negeri ini, pegawai penguat kuasa dari kedua-dua pihak berkuasa tempatan (PBT) sentiasa memantau keadaan tapak-tapak pembinaan untuk memastikan kepatuhan PKP," tegasnya.

Pelindung muka ilham jurutera muda bantu petugas perubatan COVID-19

Oleh : WATAWA NATAF ZULKIFLI
 Gambar : ADLEENA RAHAYU AHMAD RADZI & PSC

KERAJAAN Negeri Pulau Pinang baru-baru ini bersetuju memberikan geran sebanyak RM60,000 bagi menjayakan projek penghasilan 2,000 pelindung muka atau 'face shield' untuk kegunaan petugas perubatan melawan COVID-19.

Ketua Menteri, Y.A.B Tuan Chow Kon Yeow baru-baru ini menyatakan bahawa pelindung muka yang disifatkan selamat, selesa, mampu milik serta mudah dihasilkan itu akan diedarkan kepada hospital-hospital dan klinik milik kerajaan.

Malah, beliau turut menyatakan rasa bangga dengan ciptaan anak-anak muda Pulau Pinang berkaitan melalui platform *Penang Science Cluster* (PSC) yang diwujudkan hasil inisiatif khas Kerajaan Negeri.

"Pulau Pinang tidak memiliki sumber asli, tetapi kita mempunyai sumber kemahiran serta bakat yang sering dicemburui ramai serta menjadi daya penarik para pelabur," ulasnya sambil mengucapkan tahniah kepada kejayaan anak muda Louis Ooi Shiong Yirk atas kejayaan beliau.

Dalam pada itu, Buletin Mutiara baru-baru ini berkesempatan menemui bual secara peribadi Shiong Yirk bagi mengungkap kejayaan beliau berkenaan.

Sebagai jurutera muda, **LOUIS OOI SHIONG YIRK**, 28, tidak menyangka rekaannya kini digunakan secara meluas oleh barisan hadapan Pulau Pinang dalam 'melawan' penularan wabak pandemik COVID-19.

"Saya dan pasukan saya ingin merakamkan ucapan terima kasih kepada Kerajaan Negeri di atas sokongan yang diberikan... kini kami masuki fasa seterusnya iaitu penghasilan pelindung muka pada skala yang lebih banyak untuk kegunaan petugas perubatan."

"Buat masa ini, kami akan cuba memenuhi permintaan untuk kegunaan di Pulau Pinang dahulu, sebelum membantu negeri-negeri lain yang memerlukannya," ujarnya ketika ditemui di Wisma Yeap Chor Ee.

Mengulas lanjut, Shiong Yirk menyatakan



LOUIS OOI SHIONG YIRK memakai pelindung muka ciptaan beliau pada sesi wawancara bersama-sama Buletin Mutiara baru-baru ini.

bahawa ilham penciptaan pelindung muka tersebut tercetus menerusi teknik pencetakan tiga dimensi (3D) membabitkan kerjasama daripada Prestige Dynamics Industries (PDI) Sdn. Bhd. dan PSC.

"Pelindung muka tersebut adalah amat berguna terutamanya kepada petugas perubatan yang perlu melakukan saringan terhadap individu yang disyaki menghidap COVID-19."

"Lazimnya, ketika sampel diambil menggunakan putik kapas (ke dalam hidung), individu tersebut akan bersin, melalui pelitup muka ini, ianya mampu

PRODUK yang telah siap dihasilkan.



SEORANG petugas perubatan mengenakan pelindung muka ketika bertugas.

melindungi petugas perubatan pada situasi berkaitan.

"Idea asal penciptaan ini terhasil melalui perbincangan dalam aplikasi WhatsApp *Penang Science Cluster* (PSC) bersama-sama dengan Pengarah Operasi PSC, Aimy Lee sambil melakukan rujukan bersama mentor saya, Anita Tan Hai Poo sepanjang proses penghasilannya," jelas beliau.

Sebelum itu, Shiong Yirk turut memperoleh nasihat daripada seorang rakannya yang bertugas sebagai doktor perubatan di Hospital Besar Pulau Pinang dikenali sebagai Dr. Seet Jia Sheng.

"Jia Sheng mencubanya sendiri, beliau juga menawarkan dirinya untuk menganggotai pasukan saringan COVID-19."

"Ujian pada peringkat terakhir mengambil tempoh masa kira-kira tiga jam sebelum ia disesuaikan dengan kehendak Jia Sheng berdasarkan penugasan harian beliau," katanya.

Hasil maklum balas yang diperoleh, Shiong Yirk lantas mengadakan beberapa



TEKNIK pencetakan 3D yang diaplikasikan.

perjumpaan bersama-sama barisan doktor yang terlibat bagi menambah baik produk ciptaan yang hanya menelan kos RM2.50 setiap satu itu.

Difahamkan, melalui inisiatif penciptaan berkaitan juga, PSC kini sudah mula mengedarkan kira-kira 1,300 pelindung muka berserta 7,000 keping plastik pelindung hadapan di hospital dan klinik-klinik yang memerlukan.

Dalam usaha menyiapkan pelindung muka tersebut pada jumlah yang besar, PSC kini turut mendapatkan bantuan 30 sukarelawan dari semasa ke semasa.

Malah, Shiong Yirk dan pasukannya turut menghargai sokongan dana serta sumbangan persendirian syarikat-syarikat multinasional dan pihak ketiga.

Syabas!

Lawan COVID-19, Kerajaan Negeri ‘walk the talk’

Oleh : **WATAWA NATAF ZULKIFLI**
Gambar : **NOOR SITI NABILAH NOORAZIS**

GEORGE TOWN – Lebih sebulan tempoh melawan wabak COVID-19, Kerajaan Negeri sentiasa mengambil berat dan mengotakkan janji bagi membantu barisan hadapan (*frontliners*) petugas kesihatan berdepan cabaran pandemik tersebut.

Perkara tersebut dinyatakan Ketua Menteri, Y.A.B. Tuan Chow Kon Yeow pada lawatan dan telesidang bersama-sama barisan hadapan petugas kesihatan Hospital Pulau Pinang (HPP) di sini 17 April lalu.

“Pihak Kerajaan Negeri senantiasa mengambil maklum tentang cabaran-cabaran yang dihadapi dan ‘*walk the talk*’ dalam memenuhi keperluan berkaitan termasuk peralatan kelengkapan diperlukan.

“Sama ada secara langsung daripada Kerajaan Negeri atau pihak-pihak swasta dan juga orang awam, saya percaya apa yang kami terima pada peringkat negeri Pulau Pinang, kalau sesuai diguna, ia akan dibawa kepada JKNPP dan Hospital Pulau Pinang (HPP).

“Justeru, saya mahu semua *frontliners* di Pulau Pinang mengetahui bahawa Kerajaan Negeri adalah bersama-sama dengan anda, anda melakukan usaha terbaik dalam mengawal keadaan (COVID-19) di Pulau Pinang,” ujarnya sebagai memberi kata-kata semangat kepada barisan hadapan Jabatan Kesihatan Negeri Pulau Pinang (JKNPP) dan HPP.

Hadir sama, Exco Pertanian & Industri Asas Tani, Pembangunan Luar Bandar dan Kesihatan, Dr. Norlela Ariffin; Setiausaha Politik kepada Ketua Menteri, Teh Lai Heng; Pengarah JKNPP, Dr. Asmayani Khalib dan Pengarah HPP, Dr. Teo Gim Sian.

Melalui taklimat oleh pihak HPP, Kon Yeow mengulangi komitmen sokongan terhadap perkara yang dirancang oleh JKNPP, HPP dan KKM (Kementerian Kesihatan) dalam perjalanan melawan COVID-19 di Pulau Pinang.



KETUA MENTERI dan Dr. Teo Gim Sian (dua dari kanan) pada sesi telesidang bersama-sama barisan hadapan petugas kesihatan HPP bersempena lawatan khas di sini baru-baru ini.

Pada kesempatan sama, beliau turut mengucapkan terima kasih kepada semua petugas merangkumi klinik-klinik serta hospital seluruh Pulau Pinang dalam berdepan COVID-19 kini.

“Saya ucapan terima kasih kepada anda semua, perjalanan ini masih belum tamat, masih ada lagi kes-kes yang menunggu perhatian tuan-tuan dan puan-puan, pakar perubatan serta petugas.

“Kita (Kerajaan Negeri) akan bersama-sama dalam perjalanan ini sehingga kita mencapai kemenangan.

“Bagaimanapun, dunia pasca COVID-19 adalah dunia yang berbeza, marilah sama-sama kita kuatkan semangat dan bersatu-padu dalam menghadapi cabaran yang mendatang,” seru Kon Yeow yang juga Ahli Parlimen Tanjong.

Dalam pada itu, Asmayani menghargai segala bentuk sumbangan yang diberikan oleh Kerajaan Negeri kepada JKNPP dan juga HPP.

“Segala sumbangan diberikan umpsama orang mengantuk disorongkan bantal, kami sangat-sangat terharu.

“Kecil tapak tangan, nyiru kami tадahkan, saya harap Ketua Menteri juga sentiasa jaga kesihatan supaya dapat terus memimpin negeri Pulau Pinang ini,” katanya.

Pastikan semua pihak terjejas dibela

PINANG TUNGGAL - Timbalan Ketua Menteri I, Dato' Ir. Ahmad Zakiyuddin Abdul Rahman mula mengagihkan 626 pek bekalan keperluan asas kepada kluster penerima bantuan kewangan dalam senarai Agenda Ekonomi Saksama (AES) dan Jabatan Kebajikan Masyarakat (JKM) Negeri Pulau Pinang yang terjejas daripada segi pendapatan, ketika pelaksanaan Perintah Kawalan Pergerakan (PKP).

Beliau yang juga Ahli Dewan Undangan Negeri (ADUN) Pinang Tunggal memberitahu bahawa pek bekalan keperluan asas tersebut akan dihantar terus ke rumah para penerima, demi memastikan usaha memutuskan semua rantaian perebakan wabak COVID-19 berjaya.

“Barang-barang keperluan asas ini

akan dihantar ke rumah para penerima kerana kita mahu semua pihak terus kekal duduk di rumah, demi menjayakan kempen ‘Penang Lawan COVID-19’.

“(Barang-barang keperluan asas) ini adalah sumbangan tambahan Kerajaan Negeri daripada sumber dana kecemasan berjumlah RM30,000 yang diperuntukan kepada semua ADUN, di bawah Pakej Bantuan Rakyat Pulau Pinang.

“Sehingga fasa tiga PKP (PKP 3) ini, didapati golongan yang paling terjejas secara langsung adalah mereka yang bermiag sendiri atau (diberi) pendapatan harian, jadi, Kerajaan Negeri akan memastikan semua pihak yang terjejas dibela,” jelasnya yang juga Exco Hal Ehwal Agama Islam, Pembangunan Industri dan Perhubungan Masyarakat di Dewan Serbaguna Bertam Putra di sini pada 16 April 2020.

Turut serta, Muhasdey Muhammad iaitu Pegawai Khas kepada TKM I dan beberapa anggota sukarelawan ‘Penang Lawan COVID-19’ peringkat Kawasan Dewan Undangan Negeri (KADUN) Pinang Tunggal.

Ahmad Zakiyuddin yang juga Yang Dipertua Majlis Agama Islam Negeri Pulau Pinang (MAINPP) memberitahu bahawa

rata-rata golongan yang terjejas dek PKP turut menerima pelbagai bentuk bantuan daripada JKM serta Zakat Pulau Pinang (ZPP) sebelum ini.

Dalam perkembangan berasingan, Muhasdey menjelaskan mengenai perkembangan semasa banjir kilat di Kampung Permatang Tinggi B pada 15 April lalu.

“Banjir kilat terjadi apabila hujan lebat turun tanpa henti selama dua jam, dalam jam 9.30 malam baru hujan berhenti.

“Apabila air surut, kita (Pusat Khidmat Rakyat ADUN Pinang Tunggal) turut menyalurkan bantuan keperluan makanan asas secara serta-merta kepada keluarga-keluarga tersebut, pada malam kejadian juga,” ujarnya.

Muhasdey menyatakan bahawa Pusat Khidmat Rakyat ADUN Pinang Tunggal bersama-sama Ahli Majlis bagi Majlis Bandaraya Seberang Perai (MBSP), Zainuddin Mohamed turut meninjau keadaan sistem perparitan sedia ada yang dianggap tidak mampu lagi menampung kapasiti air, apabila hujan lebat turun dalam tempoh lama.

“Kita mendapati banjir kilat yang berlaku mungkin disebabkan sistem perparitan sedia ada tersumbat, tidak diselenggara dengan baik.

“Sistem perparitan ‘lama’ ini perlu dinaik taraf kerana tidak mampu lagi menampung kapasiti air ketika hujan lebat,” ulas beliau.

Kelengkapan barisan hadapan komitmen Kerajaan Negeri

GEORGE TOWN – Kerajaan Negeri Pulau Pinang komited dalam memastikan semua anggota barisan hadapan mendapat kemudahan dan peralatan yang mencukupi dalam usaha membendung penularan wabak COVID-19.

Ketua Menteri, Y.A.B. Tuan Chow Kon Yeow berkata, sehingga 11 April 2020, Kerajaan Negeri telah mengedarkan 1.311 juta pelitup muka kepada barisan hadapan dan kelompok masyarakat yang memerlukan.

“Bagi peralatan perlindungan peribadi (PPE), sejumlah 30,510 set yang diterima oleh Kerajaan Negeri telah disalurkan 100 peratus kepada pihak-pihak berkaitan.

“Begitu juga 309,000 sarung tangan dan sarung kasut serta peralatan lain seperti termometer, pensanitasi dan *face shield* (pelindung muka) yang akan diteruskan dari semasa ke semasa.

“Ini adalah komitmen kami (Kerajaan Negeri Pulau Pinang) dalam bersama-sama (barisan hadapan) memenangi pertempuran (melawan COVID-19) ini,” zahirnya ketika menyampaikan mesej harian yang disiarkan secara langsung melalui *Facebook* @ ChowKonYeow di sini pada 15 April lalu.

Menurut Kon Yeow, pada 13 April lalu, Ketua Pengarah Kesihatan, Kementerian Kesihatan Malaysia (KKM), Datuk Dr. Noor Hisham Abdullah memaklumkan bahawa pihaknya masih memerlukan stok PPE.

“Kerajaan Negeri Pulau Pinang telah mendengar permintaan ini dan komited memastikan hospital serta klinik kerajaan di negeri ini mempunyai bekalan PPE yang secukupnya.

“(Usaha) ini telah menjadi komitmen sejak dari awal Perintah Kawalan Pergerakan (PKP) dilaksanakan lagi bagi memastikan semua anggota barisan hadapan mendapat kemudahan dan peralatan mencukupi,” katanya.

Mengulas lanjut, Kon Yeow memaklumkan bahawa pihaknya sentiasa menerima pengemaskinian maklumat daripada Jabatan Kesihatan Negeri Pulau Pinang (JKNPP) termasuk aspek bekalan peralatan.

“Saya difahamkan bahawa situasi bekalan PPE di negeri ini adalah terkawal selain keprihatinan Kerajaan Negeri, sumbangan turut diterima daripada badan-badan bukan kerajaan (NGO) yang begitu komited.

“JKNPP turut memperoleh sumbangan daripada syarikat-syarikat swasta melalui Kerajaan Negeri bagi pembelian peralatan yang mana senarai peralatan serta *consumables* telah disenarai pendek termasuk nama model dan syarikat pembekal,” jelasnya.

Kon Yeow, dalam pada itu, turut memaklumkan rangkuman perkembangan sepanjang pelaksanaan Fasa 1 PKP (PKP 1) dan Fasa 2 (PKP 2).

“JKNPP memaklumkan bahawa tiada kluster baru direkodkan di negeri kita, dan saya bersyukur kerana semua anggota barisan hadapan kita juga berada dalam keadaan sihat. Semoga doa kita terus bersama-sama mereka.

“(Selain itu), Ketua Polis Pulau Pinang juga melaporkan bahawa kadar kepatuhan sehingga berakhiran Fasa 2 (PKP 2) pada 14 April 2020, adalah 97.84 peratus dengan jumlah tangkapan seramai 861 individu ingkar.

“15 April 2020 merupakan hari ke-29 PKP bermakna bermulanya Fasa 3 (PKP 3) (sehingga 28 April 2020), saya harap anda akan terus patuh pada arahan, duduk di rumah dan kurangkan pergerakan di luar,” serunya yang turut menzahirkan penghargaan kepada semua anggota barisan hadapan, sama ada di pihak negeri mahupun Persekutuan, yang telah bekerja keras memastikan kesejahteraan Pulau Pinang sepanjang tempoh sebulan lalu.

Dalam perkembangan lain, Kon Yeow turut menyatakan bahawa beliau yakin bahawa melalui usaha semua pihak, Pulau Pinang akan mampu keluar daripada krisis pandemik berkaitan dan terus berkembang maju serta cemerlang.

“Pulau Pinang tidak boleh berada dalam keadaan krisis untuk selama-lamanya, justeru Kerajaan Negeri turut membuat persediaan berdepan situasi ini melalui ‘Strategi Next Normal Pulau Pinang,’ katanya.

Mengulas lanjut, Kon Yeow menyatakan bahawa ‘Strategi Next Normal Pulau Pinang’ mempunyai tiga misi utama iaitu mengukuhkan ekosistem di Pulau Pinang; menyelaraskan ekosistem kepada perubahan abad ke-21 dan membina ketahanan menghadapi sebarang kemungkinan krisis pada masa hadapan.

Sebelum mengakhiri siaran langsung, Kon Yeow yang mewakili Kerajaan Negeri Pulau Pinang menerima sumbangan berjumlah RM250,000 untuk disalurkan ke Tabung COVID-19 Pulau Pinang daripada Intel Malaysia yang diwakili oleh Pengurus Pembangunan Organisasi, Aileen Kee.



IR. AHMAD ZAKIYUDDIN ABDUL RAHMAN menunjukkan pek-pek makanan keperluan asas yang bakal diedarkan kepada rakyat perlu baru-baru ini.

Komitid beri sokongan kekal prestasi terbaik

Oleh : SUNARTI YUSOFF

Gambar : NOOR SITI NABILAH NOORAZIS

PINANG TUNGGAL - Sempena kedatangan bulan Ramadan, seramai 70 warga emas yang menghuni Pusat Jagaan Darul Hanan menerima sumbangan barang keperluan asas daripada Kerajaan Negeri.

Sumbangan melalui Yayasan Food Bank itu disampaikan oleh Ketua Menteri, Y.A.B. Tuan Chow Kon Yeow sempena lawatan beliau ke pusat jagaan berkenaan di sini.

Dalam ucapannya, beliau berkata bahawa Kerajaan Negeri akan terus memberikan sokongan kepada Pusat Jagaan Darul Hanan supaya kekal menjadi contoh terbaik kepada pusat jagaan warga emas lain di negara ini.

"Saya dimaklumkan bahawa Pusat Jagaan Darul Hanan menjadi contoh terbaik kepada



SALAH satu prasarana yang disediakan.

pusat jagaan orang-orang tua di lain-lain negeri.

"Sesungguhnya, saya amat berbangga kerana pusat jagaan ini berada di Pulau Pinang. Justeru, diharapkan agar semua pihak dapat memberikan komitmen serta mengelakkan prestasi terbaik agar kita semua dapat terus berbakti kepada golongan yang memerlukan ini.

"Tahniah dan syabas diucapkan kepada pihak pengurusan termasuk Majlis Agama Islam Negeri Pulau Pinang (MAINPP) dan Zakat Pulau Pinang (ZPP) yang menjadi tonggak kepada kejayaan pusat jagaan ini.

"Sekalung penghargaan juga kepada pihak pengurusan dan kakitangan sokongan (Pusat Jagaan Darul Hanan) kerana menjadi petugas barisan hadapan sewaktu COVID-19," ujar Kon Yeow dalam ucapan ringkasnya sebelum menyampaikan sumbangan tersebut bersempena lawatannya pada 21 April lalu.

Hadir sama, Timbalan Ketua Menteri I merangkap Yang diPertua MAINPP, Dato' Ir. Ahmad Zakiyuddin Abdul Rahman; Ahli Dewan Undangan Negeri (ADUN) Komtar merangkap Setiausaha Politik Kepada Ketua Menteri, Teh Lai Heng; Pegawai Penerangan Bahagian Penerangan Kerajaan Negeri, Pejabat Ketua Menteri, Zahar Zainul serta Ahli Majlis bagi Majlis Bandaraya Seberang Perai (MBSP), Ooi Yong Wooi.

Pengerusi Lembaga Pemegang Amanah Pusat Jagaan Darul Hanan, Datuk Jahara Abdul Hamid; Setiausaha Ahli Lembaga Pemegang Amanah Pusat Jagaan Darul Hanan merangkap Pengarah Jabatan Agama Islam Pulau Pinang (JAIPP), Zulkifli Long serta Ketua Pegawai ZPP, Amran Hazali juga turut hadir.

Dalam pada itu, Ahmad Zakiyuddin sebelum



KETUA Menteri dan Ir. Ahmad Zakiyuddin Abdul Rahman (berkemeja hijau) memerhatikan salah satu aktiviti yang disediakan kepada penghuni Pusat Jagaan Darul Hanan bersempena lawatan baru-baru ini di sini.

itu berkata bahawa Kerajaan Negeri amat prihatin terhadap nasib golongan warga emas di negeri ini dan akan terus memainkan peranan dalam membantu pihak-pihak yang menjalankan kerja-kerja sosial.

"Sebagai agensi Kerajaan Negeri, MAINPP akan terus menyokong usaha mana-mana pihak yang ingin memberikan bantuan atau khidmat sosial di negeri ini," katanya yang juga ADUN Pinang Tunggal.

Difahamkan, Pusat Jagaan Darul Hanan yang telah beroperasi sejak 10 tahun lalu kini

menempatkan seramai 70 warga emas berumur lebih 60 tahun terdiri daripada lelaki (48) dan wanita (22).

Antara prasrama yang disediakan di pusat jagaan berkaitan termasuk asrama, perpustakaan, kafeteria, wad, surau, dewan serba guna serta bengkel selain turut menyediakan perkhidmatan kaunseling dan juga bimbingan agama.

Kesemua warga emas yang mendaftar di pusat jagaan berkenaan akan terus diberikan penempatan dan perlindungan sehingga ke akhir hayat mereka.

Pulau Pinang bergerak ke arah 'Strategi Next Normal'

GEORGE TOWN - Kerajaan Negeri Pulau Pinang merangka strategi khas bagi memastikan usahawan-usahawan di negeri ini yang terjejas akibat pandemik COVID-19 dapat meneruskan perniagaan masing-masing khususnya selepas Perintah Kawalan Pergerakan (PKP) berakhir.

Ketua Menteri, Y.A.B. Tuan Chow Kon Yeow berkata, strategi berkenaan adalah sebahagian daripada 'Strategi Next Normal Pulau Pinang' yang bakal diumumkan untuk menilai keadaan serta membuat persiapan bagi memulihkan urusan sehari-hari di negeri ini.

"Dalam PKP Fasa 1 dan 2, Kerajaan Negeri mengutamakan kesihatan serta keselamatan penduduk negeri ini, namun kita juga sedar bahawa kita tidak boleh berada di dalam krisis untuk selama-lamanya.

"Justeru, Kerajaan Negeri bakal memberikan tumpuan bagi memastikan para usahawan kita mampu bangkit dan meneruskan perusahaan serta perniagaan mereka," katanya ketika ucapan siaran langsung menerusi laman Facebook peribadi beliau di sini 12 April lalu.

Mengulas lanjut, Kon Yeow memberitahu bahawa kajian oleh badan pemikir, *Penang Institute* mendapati bahawa Perusahaan Kecil dan Sederhana (PKS) bagi sektor perkhidmatan merupakan kumpulan paling terjejas akibat krisis COVID-19.

Menurut beliau, kenyataan itu adalah berdasarkan analisis yang dijalankan terhadap 46 jenis perniagaan kategori PKS membabitkan empat sektor iaitu pertanian, pembinaan, pembuatan dan perkhidmatan.

"(Dan) sekiranya peratusan kebangsaan boleh diguna pakai sebagai garis panduan, maka dalam sektor perkhidmatan ini dalam

kalangan PKS, usahawan mikro merupakan jumlah yang paling ramai terjejas.

"Pendedahan risiko ekonomi akibat COVID-19 seperti pemberhentian operasi, penurunan perniagaan, kesukaran mendapat kredit serta lain-lain ditambah pula dengan sumber yang terhad secara tidak langsung meletakkan kumpulan ini (mikro) sebagai golongan paling terkesan ekoran krisis ini," jelasnya.

Difahamkan, PKS memainkan peranan penting dalam memacu ekonomi Pulau Pinang yang mana kira-kira 99 peratus perniagaan di negeri ini adalah dalam kategori berkenaan dengan nilai tambah ekonomi berjumlah RM30 bilion dan turut menyediakan lebih 400,000 peluang pekerjaan.

Justeru, Kon Yeow memberitahu bahawa selain memperkenalkan Skim Peka PKS, Kerajaan Negeri juga menggesa agar lebih banyak PKS bergerak ke arah pendigitalan memandangkan pelaksanaan kaedah tersebut masih lagi rendah di negeri ini iaitu kira-kira 37.9 peratus.

"Contohnya, menerusi kempen Jom Beli Online yang dilancarkan oleh Majlis Bandaraya Pulau Pinang (MBPP) baru-baru ini, saya dimaklumkan bahawa para peniaga yang mengambil bahagian telah merekodkan peningkatan hasil jualan mereka.

"Malah, Majlis Bandaraya Seberang Perai (MBSP) juga menyediakan platform eBazar Ramadan," katanya.

Dalam perkembangan berkaitan, beliau maklumkan bahawa Pulau Pinang mampu mengawal perekalan wabak COVID-19 dalam tempoh PKP setakat ini tanpa merekodkan sebarang kluster baru.

"Pulau Pinang juga mempunyai kes per 100,000 penduduk yang kedua paling rendah

di negara ini selepas Kedah," ulas Kon Yeow.

TIP MEMBELI BURH KURMA

- Amalkan membaca label dan lihat tarikh luput
- Lihat secara fizikal dan pastikan bebas dari benda asing seperti pasir, kulat, serangga dan sebagainya



Sebarang pertanyaan dan aduan, hubungi Jabatan Kesihatan Negeri atau Pejabat Kesihatan Daerah yang terdekat



Patuh PKP komitmen semua

Oleh : WATAWA NATAF ZULKIFLI

Gambar : AHMAD ADIL MUHAMAD

GEORGE TOWN – Ketua Menteri, Y.A.B. Tuan Chow Kon Yeow menyeru rakyat Pulau Pinang agar terus mematuhi Perintah Kawalan Pergerakan (PKP) bagi membolehkan indikator zon bagi bilangan kes COVID-19 yang direkodkan bertukar menjadi hijau di negeri ini dan juga seluruh negara.

Seruan tersebut dinyatakan beliau pada sesi tinjauan sekitan jalan raya di Lebuh Raya Tun Dr. Lim Chong Eu menghala Jambatan Pulau Pinang di sini 20 April lalu.

“Kadar pematuhan ini sebenarnya akan membantu barisan hadapan perubatan dalam mengawal penularan wabak COVID-19.

“Dan saya berharap semua pihak terus memberi kerjasama kepada penguatkuasaan supaya kita dapat diklasifikasikan sebagai zon hijau bagi negeri Pulau Pinang dan juga seluruh negara.

“Dengan ini, ia boleh membantu kita bebas daripada wabak pandemik ini dan kita boleh pulang kepada keadaan asal... inilah harapan kita semua,” ujarnya yang juga Exco Hal Ehwal Tanah & Pembangunan Tanah, Pengangkutan & Komunikasi.

Turut serta, Ketua Polis Negeri, Datuk Sahabudin Abd. Manan; Ketua Polis Daerah Timur Laut, Asisten Komisioner Sofian Santong dan pegawai-pegawai Angkatan Tentera Malaysia (ATM).



KETUA Menteri dan Sahabudin Abd. Manan (lima dari kiri) merakam gambar bersama-sama pasukan petugas sejurus lawatan dekat sekitan jalan raya di Lebuh Raya Tun Dr. Lim Chong Eu menghala Jambatan Pulau Pinang baru-baru ini.

Datuk Bandar bagi Majlis Bandaraya Seberang Perai (MBSP) Dato' Sr. Rozali Mohamad turut menyertai Ketua Menteri bagi tinjauan di Seberang Perai.

Dalam tinjauan sama, Kon Yeow turut melawat pos kawalan sekitan jalan raya di Plaza Tol Sungai Nyior (Butterworth) dan Jambatan Pulau Pinang menghala masuk ke pulau.

Kon Yeow dalam pada itu turut menyatakan bahawa beliau berpuas hati dengan pematuhan PKP di Pulau Pinang.

Dalam pada itu, Sahabudin merakamkan ucapan terima kasih kepada Kon Yeow yang sudi melawat barisan hadapan keselamatan yang bertugas menguatkuasakan PKP di jalan raya.

Petani sumbang sayur-sayuran segar buat wira barisan hadapan PBT

GEORGE TOWN – Kira-kira 2.5 tan pelbagai jenis sayur-sayuran segar disumbangkan kepada Majlis Bandaraya Pulau Pinang (MBPP) dan Majlis Bandaraya Seberang Perai (MBSP) untuk diagihkan kepada petugas barisan hadapan masing-masing baru-baru ini.

Exco Pertanian & Industri Asas Tani, Pembangunan Luar Bandar dan Kesihatan, Dr. Norlela Ariffin berkata bahawa pelbagai sayur-sayuran segar yang terdiri daripada kangkung, sawi, bayam dan timun tersebut disumbangkan oleh petani tempatan sebagai tanda penghargaan kepada pekerja kedua-dua pihak berkuda tempatan (PBT) negeri yang bertungkus-lumus sepanjang tempoh Perintah Kawalan Pergerakan (PKP) kini.

“Tidak dapat dinafikan bahawa wira daripada kedua-dua PBT ini berperanan besar dalam membantu menguatkuasakan PKP terutamanya di pasar basah dan lokasi-lokasi awam lain.

“Semoga sumbangan ini dapat meringankan beban mereka dalam

menyediakan keperluan makanan buat keluarga dalam tempoh pelaksanaan ini,” ujarnya sebelum bersama-sama Exco Perumahan, Kerajaan Tempatan dan Perancangan Bandar & Desa, Jagdeep Singh Deo mengedarkan hasil sayur-sayuran segar kepada golongan berkaitan di sini.

Hadir sama, Datuk Bandar MBPP, Dato' Ar. Yew Tung Seang; Dato' Sr. Rozali Mahmud (Datuk Bandar MBSP) dan Dato' Ir. Addnan Mohd. Razali (Setiausaha Bandaraya MBPP).

Jagdeep dalam ucapannya berharap bantuan tersebut dapat memberi manfaat kepada 4,990 petugas barisan hadapan kedua-dua PBT berkenaan.

“Bantuan ini diterima tepat masanya iaitu pada bulan Ramadan, adalah diharapkan ia dapat memberikan manfaat kepada semua,” ulasnya sambil menzahirkan ucapan terima kasih kepada inisiatif murni Norlela serta petani tempatan dalam mengenang jasa wira barisan hadapan negeri.

Jual durian online diharap lebih rancak tahun ini

TELUK BAHANG – Ketua Menteri, Y.A.B. Tuan Chow Kon Yeow berharap pemasaran 'Raja Buah' bakal menjadi lebih rancak menerusi platform dalam talian (*online*).

Ini adalah ekoran pelaksanaan Perintah Kawalan Pergerakan (PKP) yang dilaksanakan berikutan penularan wabak pandemik COVID-19 yang turut menguatkuasakan larangan penjualan durian di bahu jalan seperti kelaziman termasuk makan di dusun-dusun.

“Penjualan durian secara *online* sebenarnya sudah dimulakan sebelum ini di dusun-dusun Balik Pulau khususnya, dan diharap tahun ini pendekatan berkaitan dapat dirancakkan lagi.

“Memandangkan tahun ini musim durian jatuh pada tempoh pelaksanaan PKP, maka platform *online* ini akan menjadi pilihan yang mana pengusaha perlu menerima pesanan *online*, runding harga dan setelah setuju, maka *cash on delivery* (COD) kepada pelanggan.

“Serentak itu, sebagai inisiatif khas, golongan petani dan pekebun boleh memohon kad khas daripada Majlis Bandaraya Pulau Pinang (MBPP) untuk tujuan 'pelepasan' sekitan jalan raya bagi tujuan penghantaran,” ujarnya kepada Buletin Mutiara pada lawatan khas ke sebuah kebun durian, Wong Durian House di Sungai Pinang dekat sini baru-baru ini.

Objektif lawatan tersebut adalah bagi mendapatkan maklum balas mengenai hasil dan pemasaran durian apabila negara dilanda COVID-19 serta dalam tempoh PKP.

Hadir sama, Exco Pelancongan, Seni, Budaya dan Warisan, Yeoh Soon Hin; Setiausaha Politik kepada Ketua Menteri, Teh Lai Heng dan Ahli Parlimen Bukit Mertajam, Steven Sim Chee Keong.

Tambah Kon Yeow, bermula dalam tempoh PKP, setiap pekebun juga perlu mencari ikhtiar untuk menanganikekangan PKP.

“Saya percaya *online* mungkin boleh rancakkan lagi penjualan kerana pembeli pun tidak perlu pandu kereta dari kawasan Tanjung ke Balik Pulau, sebaliknya pengusaha atau pekerja perlu hantar sampai ke rumah.

“Jadi, pendekatan ini pun membuka peluang perniagaan yang baharu,” jelasnya yang juga Ahli Dewan Undangan Negeri (ADUN) Padang Kota.

Terdahulu, MBPP turut mengumumkan kemudahan 254 premis di pasar awam seluruh pulau



JAMES Wong (kiri) menunjukkan ciri-ciri kelainan pada setiap durian kepada Ketua Menteri bersempena lawatan beliau di sini baru-baru ini.

yang boleh disewa oleh pemilik dusun daripada pihak majlis.

Dalam pada itu, pemilik dusun Wong Durian House, James Wong ketika ditemui menyatakan bahawa hasil durian pada tahun ini adalah amat memuaskan mewujudkan keadaan cuaca yang panas dari awal tahun.

“Cuma sekarang kita cari pasaran, sebab sekarang ada COVID-19 pelanggan tidak boleh datang, jadi kita perlu buat *online*... terima pesanan dan hantar kepada pelanggan.

“Inilah cara petani sekarang buat pasaran. Pelanggan tempatan ada yang datang ke kebun, kita boleh jual tetapi tidak boleh lagi makan di sini.

“Saya sendiri gunakan Facebook iaitu 'Wong Durian House', sayaka kemas kini memandangkan hasil tuaian adalah amat memuaskan cuma perlu pandai sesuaikan dengan aspek pasaran,” ulasnya.

Ditanya mengenai pertembungan musim durian dengan bulan puasa, James mengakui bahawa jualan durian akan sedikit-sebanyak terkesan.

“Permintaan (di bulan puasa) sedikit menurun, memang ada pelanggan yang beli, tetapi dengan harga yang lebih murah,” katanya.

Berasaskan itu, James turut menjangkakan perniagaan durian boleh merosot sehingga 40 peratus pada tahun ini.



JAGDEEP Singh Deo (barisan depan, empat dari kanan) dan Dr. Norlela Ariffin (berbaju kurung) menyerahkan sumbangan sayur-sayuran segar kepada salah seorang Wira Oren MBSP sebagai simbolik majlis penyerahan sumbangan berkaitan di sini baru-baru ini.

Nama ADUN	No Tel/ No Faks
N.26 PADANG KOTA YAB Chow Kon Yeow chowkonyeow@penang.gov.my	(T) 04 - 226 0218 (F) 04 - 226 0218
N.03 PINANG TUNGGAL YB Dato' Ir. Ahmad Zakiuddin Abdul Rahman	(T) 04 - 575 6526 (F) 04 - 575 6526
N.16 PERAI YB Prof. Dr. P. Ramasamy ramasamy@penang.gov.my	(T) 04 - 383 9131 (F) 04 - 383 9131
N.07 SUNGAI PUYU YB Phee Boon Poh pheeboonpoh@penang.gov.my pheeboonpoh@yahoo.com	(T) 04 - 262 0860 012 - 480 5495 (F) 04 - 261 8745
N.12 PENANTI YB Dr. Norlela Ariffin norlela.ariffin@gmail.com	(T) 04 - 538 2871 (F) 04 - 538 4871
N.15 PADANG LALANG YB Chong Eng chong.eng@penang.gov.my	(T) 04 - 530 3028 (F) 04 - 530 3028
N.29 DATO' KERAMAT YB Jagdeep Singh Deo jagdeepsinghdeo@penang.gov.my	(T) 04 - 226 2464 (F) 04 - 227 2464
N.37 BATU MAUNG YB Dato' Haji Abdul Halim Hussain pusatkhidmatn37@gmail.com	(T) 04 - 626 1442 (F) 04 - 626 1442
N.08 BAGAN JERMAL YB Soon Lip Chee	(T) 04 - 331 0163
N.22 TANJONG BUNGA YB Zairil Khir Johari	(T) 04 - 890 3866
N.34 PAYA TERUBONG YB Yeoh Soon Hin	(T) 04 - 827 8868 (F) 04 - 827 8868
N.28 KOMTAR YB Teh Lai Heng komtar@dappg.org	(T) 04 - 227 7068 (F) 04 - 227 7068
N.02 BERTAM YB Khalid Mehtab Mohd. Ishaq	(T) 013 - 430 6400 (P) 04 - 576 7606
N.06 TELOK AYER TAWAR YB Mustafa Kamal mustafakamal.mkba@gmail.com	(T) 04 - 351 1732
N.09 BAGAN DALAM YB Satees A/L Muniandy n9.bagandalam@gmail.com	(T) 04 - 313 3990
N.10 SEBERANG JAYA YB Dr. Afif Bahardin	(T) 04 - 390 5109 (F) 04 - 390 5109
N.11 PERMATANG PASIR YB Muhammad Faiz Bin Fadzil faizfadzilamanah@gmail.com	(T) 04 - 521 1106
N.13 BERAPIT YB Heng Lee Lee berapit@dappg.org	(T) 017 - 813 3509 (F) 04 - 540 0006
N.14 MACHANG BUBOK YB Lee Khai Loon klee78@gmail.com	(T) 013 - 399 0519 (F) 04 - 551 1442
N.17 BUKIT TENGAH YB Gooi Hsiao-Leung gooihsiaoleung@penang.gov.my	(T) 04 - 507 5001 (F) 04 - 507 5001
N.18 BUKIT TAMBUN YB Goh Choon Aik	(T) 04 - 502 5818 (F) 04 - 506 2138
N.19 JAWI YB H'ng Mooi Lye jawi@dappg.org	(T) 04 - 594 1163 (F) 04 - 594 3163
N.20 SUNGAI BAKAP YB Dr. Amar Pritpal Abdullah ybadunsungaibakap20@gmail.com	(T)
N.21 SUNGAI ACHEH YB Zulkifli Ibrahim n21adunsgacheh@gmail.com	(T)
N.23 AIR PUTIH YB Lim Guan Eng limguaneng@penang.gov.my	(T) 04 - 829 0614
N.24 KEBUN BUNGA YB Jason Ong Khan Lee kebunbunga24@gmail.com	(T) 04 - 826 5451 (F) 04 - 826 5451
N.25 PULAU TIKUS YB Lee Chun Kit pulautikus@dappg.org	(T) 04 - 228 5298 (F) 04 - 229 4294
N.27 PENGKALAN KOTA YB Gooi Zi Sen pengkalankota@dappg.org	(T) 04 - 250 1522 (F) 04 - 250 1523
N.30 SUNGAI PINANG YB Lim Siew Khim limsiewkhim@penang.gov.my	(T) 04 - 657 6630 (F) 04 - 658 6630
N.31 BATU LANCANG YB Ong Ah Teong batulancang@dappg.org	(T) 04 - 280 4411 (F) 04 - 280 4422
N.32 SERI DELIMA YB Syerleena Abdul Rashid 32seridelima@gmail.com	(T) 04 - 659 5611 (F) 04 - 659 5611

NAMA ADUN	No Tel/ No Faks
N.33 AIR ITAM YB Joseph Ng Soon Siang airitam@dappg.org	(T) 04 - 829 9143
N.35 BATU UBAN YB Kumaresan A/L Aramugam kumar.harapan35@gmail.com	(T) 04 - 668 1062 (F) 04 - 668 1062
N.36 PANTAI JEREJAK YB Datuk Seri Saifuddin Nasution Ismail	(T)
N.38 BAYAN LEPAS YB Azril Mahathir Aziz ambasegaria.aam@gmail.com	(T) 04 - 649 3976 (F) 04 - 649 3976
N.39 PULAU BETONG YB Haji Mohd. Tuah Ismail	(T) 04 - 866 0214
N.40 TELUK BAHANG YB Zolkifly Md. Lazim	(T)
DAP PENANG HQ dappg@streamyx.com	(T) 04 - 228 8482 (F) 04 - 228 8514
PKR PENANG HQ	(T) 04 - 397 0115
-	(T)

NAMA ADUN PEMBANGKANG	No Tel/ No Faks
N.01 PENAGA YB Ustaz Yusni Mat Piah	(T)
N.04 PERMATANG BERANGAN YB Nor Hafizah Othman	(T)
N.05 SUNGAI DUA YB Muhamad Yusoff Mohd. Noor	(T)
PEGAWAI PENYELARAS KADUN	No Tel/ No Faks
N.01 PENAGA Md. Khalil Salleh novafast63@gmail.com	(T) 012 - 598 4881
N.04 PERMATANG BERANGAN Azmi bin Alang annzaley15@gmail.com	(T) 017 - 585 5457 019 - 444 6600
N.05 SUNGAI DUA Mohd. Taupek bin Abd. Rahman hajifek@gmail.com	(T) 019 - 415 3850

Talian Kecemasan & Perkhidmatan Awam

POLIS, AMBULANS, BOMBA & PENYELAMAT	999	JPJ	04-656 4131 04-398 8809 04-226 5161
DIREKTORI TELEFON OPERATOR ANTARABANGSA	103 101	JABATAN PENDAFTARAN	04-263 1166 TOURISM MALAYSIA KERETAPI BUKIT BENDERA FERI (GEORGETOWN) (BUTTERWORTH) JAMBATAN PP STESEN KERETAPI BUTTERWORTH
HOTLINE MBPP	04-263 7637	PENANG GLOBAL TOURISM (PGT)	04-261 0058
ANGKATAN PERTAHANAN AWAM	04-228 9012	TOURISM MALAYSIA KERETAPI BUKIT BENDERA FERI (GEORGETOWN) (BUTTERWORTH) JAMBATAN PP STESEN KERETAPI BUTTERWORTH	04-828 8880
BIRO PENGADUAN AWAM	04-263 6893	PERSATUAN PERLINDUNGAN KANAK-KANAK CAP BEFRIENDERS PENANG	04-210 2363 04-310 2377 04-398 7419
SEKRETARIAT KERAJAAN NEGERI	04-262 1957	PERPUSTAKAAN PP	04-261 0290
KASTAM	04-262 2300	PERSATUAN PERLINDUNGAN KANAK-KANAK CAP BEFRIENDERS PENANG	04-829 4046
IMIGRESEN	04-250 3419	04-829 9511	04-281 5161
WCC (Women's Centre for Change)	04-228 0342	04-281 1108	04-229 8555
Pusat Perkhidmatan Wanita (Seberang)	04-398 8340	PERPUSTAKAAN PP	
EPF	04-226 1000		
SOCSCO	04-238 9888		

Kalendar Pelancongan



SALURAN RASMI UNTUK INFO TERKINI KEMPEM PENANG LAWAN COVID-19



penanglawancovid19



penanglawancovid19.com



t.me/penanglawancovid19



penanglawancovid19

Saluran Rasmi Kempen Penang Lawan Covid-19

**SENARAI NAMA AHLI MAJLIS
MBSP 2020**

Nama	Telefon
MBSP	04 - 549 7555
Ahmad Rizal Abd. Hamid	019 - 464 6696
Anuar Yusoff	016 - 461 6390
A'ziss Zainal Abidin	017 - 938 9192
Chee Yeeh Keen	019 - 455 7731
Cheen Goon Hooi	012 - 402 0923
David Marshel a/l Pakianathan	019 - 412 3397
Dr. Seow Kweng Tian	012 - 507 2229
Fahmi Zainol	018 - 232 2502
Galaimani a/l Subramnian	012 - 534 1384
Heng Yeh Shuan	016 - 261 2460
Jason Raj a/l Kirupanantha	014 - 905 8113
Khong Chee Seong	011 - 1522 6628
Marshidaliza Marzuki	011 - 3929 9023
Mohd Saifullah Abd. Nasir	013 - 770 1001 013 - 503 3349
Muhammad Suzuki Ahmad	011 - 1119 4419
Ong Jing Cheng	012 - 758 3779 016 - 445 5709
Ooi Yong Wooi	016 - 421 1196
Shuhada Abdul Rahim	010 - 380 7672
Siti Shahanis Md. Sharif	010 - 369 5641
Tan Chee Teong	012 - 401 7718
Tan Cheong Heng	012 - 487 3101
Tan Choo Eng	019 - 448 4344 04 - 323 2679
Wong Chee Keet	012 - 451 1312
Zainuddin Mohamed	012 - 479 4200

SENARAI PEGAWAI-PEGAWAI PEMBANTU KEWARGANEGARAAN PULAU PINANG

Bil.	Nama	Daerah	Pejabat / Unit Kewarganegaraan	No. Telefon
1.	Yeap Choon Keong	Timur Laut	Pejabat Bahagian Kewarganegaraan Pulau Pinang, Tingkat 3, KOMTAR.	013 - 449 0366
2.	Velan A/L Kalimuthu	Barat Daya		018 - 394 4537
3.	K. Krishnasamy	Seberang Perai Utara		012 - 488 1553
4.	P. Rachenamoorthy	Seberang Perai Tengah		019 - 457 2271
5.	U. Jagatsan	Seberang Perai Selatan		010 - 563 2279

Nota:

Orang awam dipohon menghubungi Pegawai-Pegawai Pembantu Kewarganegaraan untuk menetapkan temujanji masing-masing.

**SENARAI NAMA AHLI MAJLIS
MBPP 2020**

Nama	Telefon
MBPP	04 - 259 2020
Abdul Latif Mohamad	012 - 248 5016
Ahmad Azrilal Tahir	019 - 541 4818
Alan Lim Wei Lun	017 - 343 3995
Andrew Chua Thian Chai	016 - 485 0031
Azahari Aris	016 - 499 2580
Azly Ibrahim	011 - 2432 9007
Francis a/l Joseph	012 - 474 3321
Haji Mohamed Yusoff Mohamed Noor	019 - 413 8114
Hari Krishnan a/l Ramakrishnan	010 - 505 5571
Harvindar Singh a/l Darshan Singh	012 - 428 2250
Ir. Zulfikar Ali Shri Abdul Aziz	019 - 470 0357
Kaliyappan a/l P. Renganathan	012 - 407 7276
Lee Wei Seang	012 - 452 8305
Mohd Suhairi Arumugam Abdullah	016 - 521 3369
Muhamad Khairul Mohd Ali	012 - 542 0520
Nor Afni Md. Yusuff	019 - 547 8460
Nur Zarina Zakaria	011 - 1578 5098
Rohaizat Hamid	019 - 510 0075
Shung Yin Ni	012 - 413 9246
Tan Chiew Choon	019 - 470 4499
Tan Hooi Peng	012 - 498 6212
Tan Soo Siang	012 - 475 2453
Theng Jie Wey	016 - 418 7108
Wong Yuee Harng	016 - 439 9121

**SIDANG REDAKSI
BULETIN MUTIARA**
Penulis:

YAP LEE YING
AINUL WARDAH SOHILLI
ZAINULFAQAR YAACOB
NORSHAHIDA YUSOFF
WATAWA NATAF ZULKIFLI
SUNARTI YUSOFF

Jurugambar/Juruvideo:
LAW SUUN TING
ALISSALA THIAN
AHMAD ADIL MUHAMAD
DARWINA MOHD. DAUD
ALVIE CHENG CHIN WEI
NOOR SITI NABILAH NOORAZIS
CHAN KOK KUAN
ADLEENA RAHAYU AHMAD RADZI

Jurugrafik:
IDZHAM AHMAD
NUR AFIQAH ZAINUDI

Bagi sebarang maklum balas, sila hantar ke:

Editor BULETIN MUTIARA,
Tingkat 47, Komtar, 10503 Penang
Telefon : 04-650 5468 ; Fax : 04-261 5923
Email: buletinmutiara.bpkn@gmail.com

Layari

-  www.buletinmutiara.com
-  [buletinmutiara](#) | [ChowKonYeow](#)
-  [chowkonyeow](#)
-  [@chowkonyeow](#)

Pesatkan digitalisasi usaha bangunkan ekonomi pasca COVID-19

Oleh : NORSHAHIDA YUSOFF

Gambar : ALVIE CHENG

GEORGE TOWN – Ahli Parlimen Port Dickson yang juga Presiden Parti Keadilan Rakyat (PKR), Datuk Seri Anwar Ibrahim kagum dan memuji inisiatif Kerajaan Negeri Pulau Pinang yang bukan sahaja mendahului dalam penetapan pakej insentif kepada rakyat, malah turut berusaha memastikan setiap aspek diambil kira dalam Pakej Bantuan Rakyat Pulau Pinang sebanyak RM75 juta sebagaimana diumumkan pada 25 Mac lalu.

Anwar berkata, sumbangan dan pakej bantuan yang diumumkan tersebut menunjukkan keprihatinan sebenar pihak Kerajaan Negeri dalam menyantuni semua pihak yang terkesan akibat penularan wabak COVID-19 sehingga Perintah Kawalan Pergerakan (PKP) terpaksa dikuatkuasakan.

“Seperti di Selangor dan Pulau Pinang, disebabkan pengurusan (pentadbiran) Kerajaan Negeri Pakatan Harapan, PH) yang telah lama, maka masing-masingnya mempunyai keupayaan lebih.

“Tetapi, berbeza di Pulau Pinang... meskipun sering diserang serta diserang dengan isu-isu politik, tetapi pakej bantuan yang diumumkan ternyata mengambil peduli semua aspek seperti pemandu teksi, *e-hailing* yang majoritinya orang Melayu, wang zakat, bantuan kepada surau dan masjid yang tentunya melibatkan institusi Islam



KETUA Menteri Pulau Pinang pada Sesi Interaksi Bersama-sama Anwar Ibrahim, Menteri Besar Selangor dan Menteri Besar Negeri Sembilan di sini baru-baru ini.

serta kebajikan pesakit COVID-19 tetap diberikan perhatian, dan ini menunjukkan keprihatinan sebenar pihak Kerajaan Negeri.

“Fakta-fakta (bantuan) ini ternyata bercanggah dengan tohmahan yang sering dilemparkan kepada Kerajaan Negeri Pulau Pinang, malah penarik beca serta pemandu pelancong yang disisihkan sebelum ini pun turut menerima perhatian,” ujarnya sambil mengucapkan rasa bangga beliau dengan keprihatinan Kerajaan Negeri Pulau Pinang.

Pada 21 April lalu, Anwar mengadakan Sesi Interaksi Bersama-

sama Menteri Besar Selangor, Negeri Sembilan dan Ketua Menteri Pulau Pinang, Y.A.B. Tuan Chow Kon Yeow secara siaran langsung.

Kon Yeow sebelum itu memberitahu bahawa, Pulau Pinang menggunakan pendekatan 3C iaitu ‘Control’, ‘Communicate’ dan ‘Contain’ dalam menghadapi penularan wabak COVID-19 di peringkat negeri.

“Pada peringkat pertama, kita telah mulakan langkah awal dengan mengadakan pusat kawalan, membatalan semua perhimpunan besar dan menempatkan kira-kira

5,000 kakitangan pihak berkuasa tempatan (PBT) bagi membantu mobilisasi dengan agensi barisan hadapan lain.

“Malah, pengedaran pakaian perlindungan diri (PPE), pelitup muka, pensantasi tangan telah mula diedarkan pada Fasa Pertama PKP dikuatkuasakan, dan kini (Fasa 3) isu bekalan alatan perlindungan diri bukan lagi menjadi isu besar kerana Kerajaan Negeri sendiri telah menempah bekalan ini pada peringkat awal dengan peruntukan RM10 juta, dan (menerima) sumbangan daripada pihak swasta serta badan bukan kerajaan (NGO).

“Malah, bagi mengerakkan komunikasi, Kerajaan Negeri giat memperkuatkannya Kempen Penang Lawan COVID-19 kerana kita sedar tanggungjawab terhadap kesihatan awam terletak di bahu Kementerian Kesihatan Malaysia (KKM) dan Jabatan Kesihatan Negeri Pulau Pinang (JKNPP).

“Selain laman web, Facebook, saluran Telegram, talian hotline, Kerajaan Negeri juga telah memasang 150 papan iklan di seluruh Pulau Pinang, termasuk menyediakan video informatif dalam empat bahasa bagi mewujudkan kesedaran umum berhubung penjagaan kebersihan diri, jarak sosial serta sebagainya bagi mengawal penularan wabak COVID-19 oleh doktor perubatan jemputan,” jelasnya.

Dalam pada itu, beliau turut berkongsi strategi negeri bagi mengurangkan impak sosial dan

ekonomi Pulau Pinang iaitu melalui pendigitalan ekonomi, pengukuhan sektor peralatan perubatan, kepelbagaian sektor elektrikal dan elektronik (E&E), mengembangkan sektor perkongsian perkhidmatan global serta memposisikan semula kedudukan negeri dalam anjakan bekalan sedunia.

Sebagai respons, Anwar turut sepakat dengan Kon Yeow dalam usaha membangunkan kembali ekonomi pasca COVID-19, dengan mengambil langkah memusatkan digitalisasi.

“Kerangka pemikiran baharu adalah pendekatan yang sangat sesuai dan tepat, ia adalah usaha memusatkan digitalisasi seperti Digital Penang yang ditubuhkan untuk memangkin peralihan tersebut,” ulasnya.

Pada sesi interaksi tersebut, Menteri Besar Selangor, Datuk Seri Amirudin Shari dan Datuk Seri Aminuddin Harun (Menteri Besar Negeri Sembilan) turut sama mengupas inisiatif pakej rangsangan dan langkah-langkah yang telah diambil di pentadbiran masing-masing bagi mencegah penularan wabak COVID-19 sekaligus membantu rakyat terbanyak yang terkesan daripadanya.

Secara umumnya, kedua-dua pentadbiran Kerajaan Negeri tersebut melalui pakej rangsangan ekonomi masing-masing turut memberi perhatian kepada aspek penjagaan sektor pertanian, penjawat awam, perumahan serta impak ekonomi.

ZPP kemuka SOP kutipan zakat fitrah

SEBERANG JAYA – Zakat Pulau Pinang (ZPP) mengemukakan prosedur operasi standard (SOP) berkaitan kutipan zakat fitrah termasuk melalui kaunter sementara pandu lalu.

Pun begitu, Ketua Pegawai Eksekutif ZPP, Amran Hazali memberitahu bahawa kaedah pembayaran zakat fitrah secara konvensional tersebut perlu mematuhi Perintah Kawalan Pergerakan (PKP) serta peraturan-peraturan yang digariskan oleh Jabatan Kesihatan Negeri Pulau Pinang (JKNPP).

“Hanya amil fitrah yang benar-benar sihat dibenarkan bertugas pada jarak sosial satu meter (m) dengan muzakki (pemberi zakat).

“ZPP akan membekalkan pelitup muka dan sanitasi tangan kepada (1,755 orang) amil (ejen pemungut zakat) yang ditauliahkan (meliputi) 239 kariah di negeri ini.

“ZPP melalui surat makluman yang telah diedarkan kepada semua amil fitrah di Pulau Pinang telah mencadangkan beberapa tempat yang luas kawasannya dan sesuai,

seperti balai raya, dewan serbaguna, kaunter sementara pandu lalu dan seumpamanya sebagai opsyen yang boleh dipertimbangkan oleh pihak masjid kariah,” jelasnya dalam sidang media di Ibu Pejabat ZPP, Bandar Perda dekat sini 21 April lalu.

Timbalan Ketua Pegawai Eksekutif (Operasi) ZPP, Ustaz Mohd. Kairi Ghazali dan Timbalan Ketua Pegawai Eksekutif (Pentadbiran) ZPP, Mohd. Fuad Md. Isa turut serta sidang media tersebut.

Menurut Amran Hazali, ZPP berharap agar pihak pentadbir masjid kariah menyediakan jadual bertugas amil fitrah secara tersusun tanpa mengabaikan aspek keselamatan serta kesihatan pembayar zakat fitrah dan amil fitrah yang bertugas.

“Suka saya sekali lagi tekankan di sini bahawa dalam tempoh PKP ini, ZPP ingin menasihatkan masyarakat Islam di Pulau Pinang supaya menunaikan zakat fitrah dan zakat harta mereka secara dalam talian atau secara digital kerana (kaedah-kaedah) ini adalah

sebahagian daripada ikhtiar kita untuk menghindarkan diri dan ahli keluarga yang kita sayangi daripada dijangkiti wabak COVID-19,” serunya.


Selain itu, beliau memberitahu bahawa ZPP mula mengedarkan poster yang tertera sembilan SOP yang wajib dipatuhi oleh amil dan muzakki kepada pentadbir masjid kariah.

“Masjid kariah akan membuat hebatan kepada anak kariah masing-masing mengenai tempat cadangan untuk menunaikan ibadah zakat fitrah ini,” ujarnya.

Menjawab soalan pemberita selepas itu, Amran Hazali memberitahu bahawa jumlah kutipan zakat fitrah bagi tahun lepas (1440 Hijrah) adalah RM5.06 juta.

“Bagaimanapun, pada tahun 1441 Hijrah, sasaran kutipan zakat fitrah sebanyak RM6 juta yang dicadangkan sebelum ini adalah tanpa mengambil kira negara akan diuji dengan penularan wabak COVID-19.

“Kami (ZPP) berharap para



AMRAN Hazali menunjukkan poster terbitan ZPP yang tertera sembilan SOP pemungutan zakat fitrah yang wajib dipatuhi oleh amil dan muzakki pada tempoh PKP pada sidang media di sini baru-baru ini.

muzakki dapat terus memberi keparcayaan kepada ZPP... kerana kami (ZPP) percaya lebih banyak dana zakat diperlukan pasca PKP nanti.

“(Maka,) bayaran zakat anda amat penting demi kelangsungan hidup golongan asnaf terutama dalam kalangan fakir dan miskin,” ulasnya.